

Här Mars di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 19. Mee 2017

Här President,

Sou wéi d'Chambersreglement et virgesäit, bieden ech Iech, dës parlamentaresch Fro un d'Madame Gesondheitsminister weiderzeleeden.

Et kënn dacks vir, datt e Patient an der Klinik méi Medikamenter zesummen anhuelen muss. An dem Fall kann et passéieren, datt déi ënnerschiddlech Medikamenter an hir Interaktioun geféierlech Wiesselwierkungen kënnen produzéieren.


An dem Zesummenhang géif ech gäer folgend Froen stellen:

- 1) Wéi ka sächergestallt gin, datt all Dokter zu all Ablack en Iwwerbléck huet iwwer aner Medikamenter, déi de Patient vun engem Beruffskolleg verschriwwen krut?
- 2) Kann déi geplangten elektronesch Patientenakte hei eng Hëllef duerstellen? Wéi wäit as dee geplangten Dossier vun der elektronescher Patientenakte elo schon avancéiert, fir déi Fäll wou d'Leit kee «médecin référent» hunn?

An de Klinike kréien d'Patienten hir Medikamenter dacks an engem Plastikbecher, wou se hinnen ouni Verpackung an ouni Erklärungsziedel presentéiert an dann ageholl gin.

- 3) Wéi as sächergestallt, datt all Patient iwwert säi Recht verfügt, genee informéiert ze sinn an ze wëssen, wat fir Medikamenter hie grad anhëllt a wat fir Wirkungen an Niewenwirkungen déi hunn?

Mat déiwem Respekt,



Fernand Kartheiser
Deputéierten